



Uunga Aqqalu C. Jerimiassen
Inatsisartut

**Eqqussuinermi akit, pisisinnaassuseq pilersuisussaatitaanerlu pillugit § 37
naapertorlugu apeqqummut 2023-147-mut akissut**

Matumuuna § 37 naapertorlugu apeqqutinut siuliani taaneqartumut akissutit
nassiunneqarput.

Akisummut atatillugu Nunalerinermut, Imminut pilersornermut, Nukissiuutinut
Avatangiisinullu Naalakkersuisoqarfimmit, Ineqarnermut Attaveqarnermullu
Naalakkersuisoqarfimmit kiisalu Kalaallit Nunaanni Naatsorsueqqissaartarfimmit
ilapittutinik piniartoqarpoq.

Brevdato: 31-10-2023
Sagsnr. 2023 - 25667
P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Apeqqut 1)

*"Nunatsinni nioqqutissat akiisa qaffakkiartornerannut aningaasap
naleerukkiartorneranut malinnaatinneqarnersut Naalakkersuisut
nassuiarsinnaanerpaat?"*

Nioqqutissat eqqunneqartut akiisa ineriantornerisa Kalaallit Nunaanni akit
qaffakkiartornerannut malinninnerat pillugu aperinertut Aningaasaqarnermut
Akileraartarnermullu Naalakkersuisoqarfiup apeqqut paasivaa.

Kalaallit Nunaanni akit qaffakkiartornerat – atuisunut akigitinneqartut ineriantornerannik
uuttuineq – piffissami 2013-2021¹ ukiumut agguaqatigiissillugu 0,9 procentit
missaanniittarpooq. Danmarkimi piffissami tassani akit qaffakkiartornerat ukiumut 0,8
procentit missaanniissimoq assersuunneqarsinnaavoq. Atuisunut akit nioqqutissat
sullissinerillu, nioqqutissanik tigussaasunit amerlanerusuni, soorlu aamma ineqarnermut
akiliutit, nukissiaq, oqarasuaatit il.il. katinnerinik naatsorsorneqartarnera
maluginiarneqassaaq.

Atuisunut pisiassat akiisa ineriantornera annertuumik nunami pilerfimmi akinik
aallaaveqartarmat, eqqussuinermi akit Kalaallillu Nunaanni akit qaffakkiartornerata
assigikannersumik pisarneranut takussutissaqarpoq.

Eqqussukkalli aiki akillu qaffakkiartornerat assigimmik ineriantortarnersoq pillugu
Aningaasaqarnermut Akileraartarnermullu Naalakkersuisoqarfik qulakkeerinnilluni
inerniliisinnaanngilaq. Tamanna nioqqutissat eqqussukkat akiinut tunngatillugu
eqqussuinermi akinik takussutissamik naatsorsuisinnaanermut naammattunik
paasissutissaateqannginnermik patsiseqarpoq.

¹ 2022 Danmarkimi akit qaffakkiartornerata immikkut qaffasinnera pissutigalugu (7,7 procent)
ilannngunneqangilaq, tamanna ilaatigut Ruslandip Ukrainemik saassussinerata malitsigisaanik. 2022
ilanngunneqartuuppat Kalaallit Nunaanni akit qaffakkiartornerata Danmarkimit appasinneruneranik tamanna
eqqunngitsumik takutitsisimassagaluarpoq.

Apeqput 2)

*"Pisissutaasinjaasup nalingata qanoq ukioq 2023-imi nikeriaateqarnera
Naalakkersuisut nassuaateqarfingisinjaanerpaat?"*

Piffissap ingerlanerani assersuutigalugu 2022-mit 2023-mut pisisinnaassutsip allanngorneranik eqqortumik nassuaanissami, innuttaasut atugassatut isertitaasa atuisunullu akigitat ineriarnerannik naatsorsueqqissaarnissamik pisariaqartitsivoq. Ukiumi aalajangersimasumi akit isertitallu aatsaat ukiup naanerata kingorna naatsorsorneqarsinnaasarmat, 2022-mit 2023-mut pisisinnaassutsip allanngornera naatsorsorneqarsinnaanngilaq.

Kalaallit Nunaanni atugassatut isertitat agguaqatigiissinnerat 2013-mit 2022-mut 20,1 procentimik qaffassimanerat, atuisunullu akit 10,1 procentimik qaffassimanerat paasissutissiissutigineqassaaq. Ukiut kingullit 10-t ingerlanerini Nunatsinni pisisinnaassuseq 10 procentimik qaffassimavoq.

Apeqput 3)

*"Pisortat suliffeqarfiutaasa pilersuisussaatitaanikkut kiffartuussinermik
isumaqatigiissuteqarlutik ingerlanerminni inisisimanersut Naalakkersuisut
nassuiarsinjaanerpaat?"*

Namminersorlutik Oqartussat suliffeqarfissuaataasa pilersuinermut pisussaaffiisa suna malitsigineraa pillugu aperisoqartoq, Aningaasaqarnermut Akileraartarnermullu Naalakkersuisoqarfiup apeqput paasivaa?

Tusass A/S

Naalakkersuisut Aningaasanut inatsimmi kontumi pingarnermut 72.20.02 oqaasertaliussat naapertorlugit, Kalaallit Nunaanni TV-kkut radiukkullu aallakaatitanik siammerterinermik Tusassimik isumaqatigiissuteqarpoq, tassani KNR-ip tv-ikkut radiokullu aallakaatitaasa siammertererat nunanilu allani innutaasunut kiffartuussisumut pisussaaffimmik isumaqatigiissut tv-kkut Nuummut aallakaatitat anngunnerat ilanggullugu. Isumaqatigiissut ulloq 1. januar 2022-mit ulloq 31. december 2033-p tungaanut atuuppoq.

Nalunaarasuartaateqarnikkut attaveqarnermut tunngatillugu Tusass Aningaasanut inatsimmi kontu pingarneq 72.20.08 malillugu IP-transit-imut aamma access-inut akigititanik nalimmassaasarnissamut pisussaaffilerneqarpoq, assersuutigalugu attaveqaatitigut attaveqaatitigullu sullissinerni sumiifinnit suliassaqarfimmut appasinnerusumik attaveqaasersuutinut aningaasartuuteqarfiusartunit isertitanik sumiifinnut attaveqaasersuutinut qaffasinnerusumik aningaasartuuteqarfiusunut nuussinikkut. Internetimik paasissutissanillu atuisunut sullissinerni unammillerneq ikorfartorniarlugu, akigititanik nalimmassaaneq annertuukkaanik ingerlataqartumi pissaaq.

Air Greenland

Naalakkersuisut Aningaasanut inatsimmi kontumi pingarnermut 72.20.05 oqaasertaliussat naapertorlugit Air Greenlandimik kiisalu ingerlatseqatigiiffinnik allanik arlalinnik tamanut helikopterimik timmisartumillu angallassinermik kiisalu umiarsuakkut

ilaasunik angallassinerterik isumaqatigiissuteqarput. Sullissinissamik isumaqatigiissutini tapiissutit piffinnut pingaarnertut periutsit sisamat malillugit tunniunneqartarpot, tassani:

- angallannissamik periarfissaqartoqarsimassanngikkaluarmat
- akigititap amerlasuut angalangitsoortissinnaagaluarmagit
- akuersaarnanngitsumik akuttusuumik sullissisoqarsimassagaluarmat
- angallannermi aaqqissuussinerup ataqtigiainnnera ajorsimassagaluarmat

Isumaqatigiissutinut tamanut tunngatillugu silaannakkut angallassinermut attaveqaatit allanngornissaat mittarfiillu nutaat sillimmartaarfingeqarput, soorluttaaq angallasseratsit amerlassutsillu allanngorneranni isumaqatiginninniaqqissinnaanermut periarfissaq ilanngunneqartoq. Isumaqatigiissutit sivitsornissaannut periarfissaqarpoq, taamaaliornikkut sullissinermik isumaqatigiissummut tikittakkat ilaatinneqartut, taamaaliornikkut isumaqatigiissutip naanerani angallannermut periarfissaarunnissaannut aarlerinaateqannginnera qularnaarneqarpoq.

Royal Arctic Line A/S

Naalakkersuisut Aningaasanut inatsimmi kontumi pingaarnermut 72.20.10 oqaasertaliussat naapertorlugit usnik assartuinerterik pilersuinermillu Royal Arctic Linemik isumaqatigiissuteqarput. Kalaallit Nunaanni nunaqarfii avinngarusimasullu kiisalu Kangaatsiap Qeqertarsuullu Royal Arctic Linemit akulikitsumik usnik assartuinikkut sullinneqarnerisa qulakkeernerat, isumaqatigiissutip malitsigaa.

Tassanilu Qaanaap eqqaatalu pilersorneqarnerat isumaqatigiissutigineqarpoq, Qaanaarmi illoqarfiuvoq, taamaalillunilu nammineertumik siuliani isumaqatigiissummut ilaatinneqarnani.

Mittarfeqarfiiit A/S

Naalakkersuisut Aningaasanut inatsimmi kontumi pingaarnermut 72.26.04 oqaasertaliussat naapertorlugit nunap immikkoortuini mittarfiiit ingerlanneqarnerannik iluarsartuunneqartarnerannillu Mittarfeqarfinnik ukiuni arlalinni atuuttussamik isumaqatigiissusiorsinnaanermut piginnaatinneqarput.

Nuna immikkoortuini mittarfinnik helikopterillu mittarfiiik piffissamut ungasissumut isigisumik pilersaarusiorneq ineriaortitsinerlu qularnaarniarlugit, Mittarfeqarfiiit A/S-mik isumaqatigiissutit mittarfinnut timmisartoqarfinnullu ataasiakkaanut missingersuutit ungasissumut sammisunik toqqammaveqartinneqarput. Taakku saniatigut mittarfiiit timmisartoqarfiiillu tamarmik immikkut iluarsartuussinissamik pilersaarusiorgagineqassapput.

KNI

Inoqarfinnut minnernut avinngarusimasunullu nioqqtissanik ulluinnarni pisariaqartitanik aalaajaatsumik pilersuineq ingerlanniarlugu, Namminersorlutik Oqartussat KNI A/S-ilu nioqqtissanik pilersuineq pillugu sullissinermik isumaqatigiissuteqartarpot. Sullissinissami isumaqatigiissummi nioqqtissat pigineqartussat, akit qaffaasisssuaat nalunaarusiortussaataanerlu aalajangersarneqarput. Nioqqtissat pigineqartussat pifimmi kissaatit atugassaritinneqartullu isiginiarlugit aalajangersarneqartarpot. Tamatuma saniatigut inuussutissanut akigitinneqartut Kalaallit Nunaanni atuisartunut akit ineriaorternerannut, kiisalu nunarsuarmi niuerfinni ineriaorternermut naapertuitissapput.

Tamatuma saniatigut Namminersorlutik Oqartussat orsussanik imerpalaasunik pilersuinermik KNI A/S-mik sullissinissamut isumaqatigiissuteqarput. Sullissinissamut isumaqatigiissut pilersuisussaatitaanermik, pilersuinerup annertussusaanik, akinik aalajangersaasarnermik periutsimik, kiisalu KNI-mi, orsussamik imerpalaasumik pilersuinermik isumaginnittumi, niuernermi sinneqartoornissamik anguniakkamik malittarisassiorqartarpooq. Sullissinissamut isumaqatigiissut sullissinissamut isumaqatigiissummut akiliummik imaqanngilaq, orsusanulli imerpalaasunik nuna tamakkerlugu akit qaffasinnerpaaffiannut tunngatillugu pilersuisussaatitaanermik pisussaaffimmik imaqarpooq.

Namminersorlutik Oqartussat illoqarfinni inoqarfinnilu minnerni toqqakkani Namminersorlutik Oqartussat KNI A/S-llu akornani aningaaserivimmi sullissinerit pingaernerit isumaginissaannik KNI A/S-imik sullissinissamik isumaqatigiissuteqarpoq. Illoqarfinni nunaqarfinnilu toqqakkani innuttaasut tunngaviusumik aningaaseriveqarnikut pilersorneqarnermut periarfissaqarnissaasa qulakteernissaa sullissinissamut isumaqatigiissutip siunertaraa. KNI-p sullissinerit isumagisai makkupput:

- akiliinerit tigusinerillu
- sullitanik kontunillu pilersitsinerit
- kontonut paasiniaanerit
- nuussinerit
- aningaasanik tigusisarfinnik ikkussinerit

Siuianut taaneqartunut tapiliullugu Namminersorlutik Oqartussat illoqarfinni minnerni nunaqarfinnilu toqqarneqartuni aningaasanik pilersuinermik KNI A/S-mik sullissinissamik isumaqatigiissuteqarpoq. Illoqarfinni inoqarfinnilu minnerni toqqakkani aningaasanik (oorinik pappiaqqanillu) innuttaasunut suliffeqarfinnillu tunngaviusumik aningaaserivitsigut pilersorneqarnerup qularnaarnissaa sullissinissamik isumaqatigiissummi siunertaavoq. KNI-p Kalaallit Nunaanni naammattumik aningaasanik pilersuinissaa qularnaarniarlugu Namminersorlutik Oqartussat 45 mio. kr.-t ingerlatseqatigiffimmut atugassanngortippai.

Nukissiorfiit

Nukissiorfiit sullissineri aningaasaqarnikkut teknikkullu toqqammaviit arlallit Nukissiamik pilersuineq pillugu Inatsisartut peqqussutaat (nr. 14, 6. november 1997-imeersoq) kiisalu Imermik pilersuineq pillugu Inatsisartut peqqussutaat (nr. 10, 19. november 2007-imeersoq naapertorlugit Naalakkersuisunit akuerineqartussat tunuliaqutaralugit tuniniaanerit pilersuinerillu pisarput.

Nukissiorfiit imermut, innaallagissamut klassarnermullu akigititaat Naalakkersuisunit ukiut tamaasa akuerineqartarerat, kingornalu Nukissiorfiit akinut allattuiffiat peqatigalugu tamanut saqqummiunneqartarerat Naalakkersuisut ilanngullugu paasissutissiissutigissavaat. Akinut allattuiffik tunisinermi tunniussinermilu tunngavissarititat nalinginnaasut peqatigalugit akuerineqartarpuit.

Inussiarnersumik inuulluaqqusillunga

Erik Jensen